

De Körnerschuel 1948

Sigrid Beckers

1948 bin ich met fast 7 Joar in de Schuel jekomme. Ich hott ne Ledertornister, en echte Schiefertafel on en Jriffeldoes mit 1 Jriffel drin. Üever 40 Kenger jingen am 1. April (!) mit er Mötter nor de Körner-, bzw. Klosterschuel.

Dr 1. Schueldaach, kaum enner haad en Schueltüt, ich kann mich net daran erinnere. Äver jedes Kengk krech 1 Plätzke van Rektor Reisen. Dat woar ne schoune Anfang.

Die Kenger, die all en Tafel hodde, dorfete dann mit de Jriffel Kreise moale. Dat han ich dann fleißich on kräftich jedoan. Anschließend woare dann so deepe Schroem en min Tafel, dat se nit mier te jebuuken woar.

Deä Unterricht woar oft jenuch in ne fremde Klassenraum. De Fenster woare kapott on et trock, de Heizung funktionieret net of sons jett woar net in Order. Wir hadde vom Keller bis zum Speicher de meeste Klassen kennejeliert.

Di erschte Joare jov et „Schulspeise“. Wir kreeje in osse Blaek- oder Aluminiumbeäker en undefinierbare Zupp mit Jersch on klitzkleene Vleeschstöckskes. Obwohl wir wirklich Hunger hade, hand de wenigste opjessse.

Sojar in de Ferie mosse wör us die „Agnes van Brakel – Zupp“ hoele on os Äldersch habe se dann probiert on os Kenger Reit jejeve. „Nä, die schmeck wirklich net“.

„Schulkleidung“ joaf et em weitesten Sinne ooch. Mutter trock mich en Schürtz an, die ich vör de Husdör all utjetrocke on in deä Tornister jestoppt hab. Wenn ich van de Schol trök koam, hab ich die Schürtz wer anjetrocke on mich jewongert, dat Mutter dat merket (wie verknötscht die Schürtz woar, is mich jarnet opjefalle)

Dat Schlimmste woar für mich, dat wer üever de lange Box ne Rock drare moosse. Wir soore ut wie de Tanzbäre. Äver Mädches durfete nit blos met lange Boxe in de Schol.

En jruete ler woar et, wenn man de Schulblome van de Fensterbank in de Ferien mit noa Huus nehme durfed. Jejoete hadde wir die besongersch jot damit die Lehrerin ene loave mot! Stoltz woare wir och, wenn wer dem Lehrer de Täsche draare durfete – dat verlangse mar hüt van enne Schüler.

Ja, et jeft noch vüel te vertelle, äver dat make wir dann et nächste Moal.

